

『續日本後紀』2 天長十年十月壬寅条

壬寅。延曆寺座主僧傳灯大法師位圓澄卒。時年六十二云云。延曆十七年。陟到叡山最澄法師。師大悦即落髮爲弟子。取自名一号爲圓澄。時年二十七焉。廿四年春。最澄師入唐以後。法師依詔於紫宸殿修念五佛頂法。即預得度。其夏四月就唐**泰信**大增都受具戒。六月大唐使歸朝。秋八月宣勅令最澄師修入唐所受灌頂秘法。是大法師修圓勤操等七人爲受法弟子。於清瀧峯高雄寺。奉爲桓武天皇。修毘盧遮那秘法。法師亦在其中。共稟灌頂三摩耶戒。是則本朝灌頂始興之日也。大同元年冬十一月於叡山止觀院法師爲上首。與百餘人。受圓頓菩薩大戒。此亦天台師師相傳大戒之初也。云云。法師上聞。淳和太皇太后造得衲袈裟廻寄國清寺。以充天台大師忌齋之備。